

鄱縣志卷二

知縣事中江林愈蕃纂修

地理志上

虞書肇十有二州禹貢定為九州厥後分疆紀地
莫詳於職方史家地理有志所從來者遠矣鄱割
自茶陵統隸湘東西通巴蜀南扼嶺表東控豫章
雖彈丸一邑而全衡襟喉實在焉官斯土者固吾
圉而康吾赤俾偏隅咸安

聖化詎不在良有司之張弛得宜歟

疆域

鄱縣志

卷之二

地理志

疆域

一

四正 東至江西吉安府永寧縣界地名木村五十五里
西至本府安仁縣界地名羊角嶺之分水坳五十里南
至郴州桂東縣界地名大桂山一百零五里北至長沙
府茶陵州界地名青臺山十五里

四隅 東北至江西吉安府永寧縣界地名松木坪一百
一十里西南至郴州興寧縣界地名青草寨八十里東
南至吉安府龍泉縣界地名木根界一百四十里西北
至茶陵州界地名羅祖山九十里

至衡州府城陸程三百里水程七百里
至湖南長沙府省城陸程七百里水程一千三百五十

里

至湖廣武昌府省城陸程一千一百九十里水程一千七百八十里

至京師陸程五千二百里水程七千三百六十里

東西通計九十里

南北通計一百三十里

形勝

湖南居楚上流逆溯至鄱固已託處天際筆峰插雲橋頭
亘地其險四塞雖東通古贛上接宜韶皆一綫鳥道而
俯瞰茶攸又如高屋之建瓴水斜瀨一渡怒石齒齒險

鄱縣志

卷之二

地理志

形勝

二

於瞿塘象馬不利舟楫殆古所云山國者乎

鄱志

迴龍東抱天馬南屏湘峰峙其西青臺控其北桃花澗
清源濬發天河山碧泉溶漾近治山水蟠踞襟帶為衝
郡秀拔之區至若筆架倚天北枕雲陽嶠頭拔地西接
安邑萬陽山東扼吳粵青草寨南控桂寧峭壁層巒星
列碁布真湘東險輿地也

邑脈最遠論其近者始於粵吳接界之萬陽山底雷山至
黃那潭經大小院及團蒼山祖師坳拔起三峯憑高一
望數百里山川彷彿襟袖間左支南行羊橋山大姑山
歷大楓嶺折入康樂鄉黃茅墩七寶山至鹿原坡結炎

陵右支分注東吳不具載中支自圍蒼山峰巒絡繹過
金鐘山東北之茅嶺折入霞陽鄉崖嘴寨及斷丫嶺過
十里山分水坳至大壟上直登神僊界大峰墩左達青
臺山筆架峰雖羣峭摩天而勢欲俯臨透迤至北郭演
武亭氣極翕聚象極開朗結為縣治

八景附

醴醕泉香 在東城內俗呼龍王井色清味冽甘若膏露
梅山朝旭 在城東學宮側半里許日方東昇曙光掩映
山水俱輝過時則異

桃花春漲 在城東一里許懸崖而下噴雪濺珠直至桃

鄞縣志

卷之二

地理志

八景

三

花源春雨溪漲波流漣漪岸花倒映水中新秀可玩

湘剎夾流 在城西卽湘山寺也孤峰拔起二水夾流澗
響琮琤與松濤上下坐對移時令人躁心俱釋

秋山遠靄 在城西蒼山層疊秋時雲氣蜿蜒出沒巒岫
閒高瞻遠矚杳無定態

青臺霽嵐 在城北每當雨霽嵐翠橫空朝夕移時景色

迥別

舊志作暮嵐今按青臺之嵐朝暮
皆同惟雨霽倍爲可觀故改之

天半曉鐘 在城北危峰卓立古剎高懸清夜鳴鐘響徹
雲表若從天半飛來

白雲靈谷 在城北三里許俗呼僊碁洞巖洞幽深藤蘿

交翠有石枰坐具相傳有僊弈於此每當白雲繚繞則霖雨可待故世傳靈谷云

蕃按宇宙大矣山川草木雲日煙嵐或千古齊觀或頃刻異致景物佳處惟會心人得之若必刻畫一定則混沌幾鑿而死矣乃志家列景不十則八衆手雷同牢不可破殊堪噴飯宜楊升庵先生有宇宙安得許多景之譏也鄴舊志入景及炎陵八景本欲削去以邑士重於變舊姑存之正阮生所謂未能免俗云爾

山川

鄴縣志

卷之二

地理志

山川

四

迴龍山 在縣東五里當邑東之衝元末流寇剽掠邑人

譚德昌結寨守禦於此

繡貝山 在縣東五里

高朗山 在縣東八里

斷丫嶺 在縣東十五里

芽嶺 在縣東二十里

崖嘴寨 在縣東二十里

犁壁嶺 在縣東北二十里陡峭逼霄形似犁嘴踰此卽

爲大墳屬茶陵

金鐘山 在縣東三十里圓如覆鐘

金鰲山 在縣東三十五里形如鰲土色純黃不雜故名
鳳凰山 在縣東三十五里狀若飛鳳與金鰲山對峙
瑞口山 在縣東四十里從沔渡入山山後爲風溪溪旁
三十里屬茶陵

古石岡 在縣東五十里周匝草木叢茂巖石礪礪深溪
邃谷爲一邑僻險之境

黃峰寨 在縣東五十里

瓜蓼 在縣東六十里唐駱賓王爲武氏之難潛身至此
賦詩其上鄉人尹樸爲鐫之石歷年旣久剝蝕殆盡明
末李司馬陳玉過此猶識有小入荒三字山近永寧亦

鄆縣志

卷之二

地理志 山川 五

近龍泉之山溪順治戊子間寇每出沒於此

團蒼山 在縣東七十里山高二十餘里爲邑脉分支處
形家所云少祖山也石巖突懸約數仞雲木鬱葱四面
繚繞升高望遠蒼蒼焉茫無涯際故名團蒼巖中石泉
流注小池不盈不竭奇花競秀異鳥飛鳴真神僊窟宅
也巖前建菴相傳爲紫衣禪師棲真處下有李公坳公
與師俱霞陽鄉人同學道昇僊

雞冠巖 在縣東九十里峰巒層疊如雞冠

萬陽山 在縣東南八十里廣輿記綿亘三百里其中多
古木怪石

蕃按山西北隸鄴其東南面大半屬江西龍泉縣地界連永寧永新泰和萬安崇義上猶及本省桂東桂陽等處在昔林木莽塞荆棘蒙茸司土者慮爲奸匪淵藪文武巡查罔敢少懈邇乃昇平日久居民披榛闢壤相土播植婦子輯寧頗稱樂業並無負嶠走險以滋事端者然赤子何知民情可見撫綏保障在當事者之誠求必至張弛得宜而已

松木坪 在縣東南一百一十里萬陽山與江西吉安府龍泉交界

蕃按鄴峰巒稠疊平壤無多甲申冬予巡萬陽山

鄴縣志

卷之二

地理志 山川 六

抵木根周旋至松木坪見平田一區頗堪樹藝而草萊滿目似十數年未經播種者山麓土屋數間頽塌不振俄見一老嫗出蓬首菜色衣不蔽體詢知爲朱姓婦地屬伊管以土瘠泉寒屢播無收夫死僅遺一子墾磽确種包粟度日田荒賦存實所難堪予聞而閔之召其子至許以代爲贖餉令赴縣領票附識於此俾後之覽者知山民艱苦率多此類正不獨一人一家云爾

天馬山 在縣南一里狀如立馬恰當午位故名

集雷巖 在縣南三里省志舊有雷神集此其神最靈

集雲峰 在縣南十里

羊橋山 在縣南十五里山有三木音雞樹相傳為風雨神

靈所棲歲旱祈雨輒應樹傍二竹不生笋亦年深不枯

泰和山 在縣南二十里相傳泰和僊人得道飛昇之所

上有菴邑庠羅驥捐田四畝零為香火

大姑山 在縣南四十里

鵝公嶺 在縣南七十里峭削壁立肩運粵鹽路所必經

牛嶺 在縣西南七十里

飛鳳巖 在縣南七十里壁立千仞狀如鳳飛

絳背山 在縣南八十里

鄱縣志

卷之二

地理志

山川

七

雷山 在縣南八十里石磴接雲鳥道凌空有禪宇棲其上

雙石塔 在縣南一百里石峰雙峙高十餘丈秀削如古塔

螺石峰 在縣南一百一十里突出江岍廻旋皆石狀若螺紋峰巔有一古樹亭亭如華蓋四時長青

南嶺嶂 在縣南一百二十里山岍峭峻高數百丈遙望各峽瀑布騰空浪花飛瀉宛若自天而下

文昌峰 在縣南一百二十里峰圓如鐘高聳數十丈其上寬平古建有文昌閣 國初聞大成棲隱於此今閣

雖顏基石猶存

大株山 在縣南一百二十里桂東界產株

鷲峰 在縣南一百三十里上有古刹

牛頭嶂 在縣南一百三十里與龍泉交界

屏水山 在縣南一百三十里山峰連絡形若畫屏森列
與桂東分界

月嶺 在縣西一里其上寬平可居一統志明正德六年
尚賊竊發邑人羅宓明設寨於嶺東南面寇至發藥矢
斃渠魁三人賊大懼遁去

吾登山 在縣西一里梵宮高峙層塔凌霄蒼松繁蔭碧

鄱縣志

卷之二

地理志

山川

八

流縈逶循曲徑而登俯矚城中明如指掌通志舊名湘
山嘉靖四年知縣易宗周改今名

崖陰山 在縣西十五里相傳 炎帝誕生之所殿宇軒
昂有聖像存焉山下霍姓所居族衆建殿捐田四畝零
供香火

千畝坪 在縣西二十里平原廣濶溝塍遺跡隱約猶存
而地勢頗高水不瀦集別亦無源可導然緩步康莊遙
望阡陌心目一豁焉

方石嶺 在縣西二十里

二馬山 在縣西二十里形如二馬對立山中有塘塘內

有一井每日三盈三涸盈時徹底澄清涸時徹底乏泉
吞吐如潮亦異境云

嶠頭嶺 在縣西三十里通志名嶠陽嶺邑與茶陵分界
處四面嶄絕鳥道羊腸約十里許爲西北往來要衝上
有望雲菴棲雲亭

次團山 在縣西三十里

天星寨 在縣西三十里當邑西之衝元末流寇剽掠邑
人段清遠率衆保障於此又舊志古蹟類云寨上有碑
曰黃岡碑前數行字跡殘缺後曰嗟彼克黨良將削平
韓侯視檄勵兵破敵遽殄渠魁復摧堅壁威武奮揚羶
腥蕩滌宗社垂靈黎庶倚康仰憑廟算俯慰輿情千里
赤子始知再生生理旣得孰使之活韓公之功呂公之
德傳示不朽蒼崖是勒

蕃按文勢此特銘詞後半耳碑中叙寇亂之作及
韓呂二公削平始末必甚詳明當不但如舊志所
稱前數行殘缺之謂惜世代及韓呂名爵俱一時
無由考云

鹿原坡 在縣西三十里卽 炎帝陵所在坡周二里許
前臨洙水紆縈如帶羣峰拱衛疊嶂廻環古木蒼藤陰
翳盤結山雲出沒盛夏生寒

龍頭石 在縣西三十里 炎陵前鹿坡蜿蜒如龍懸巨石如龍爪者三此石若首然昔人稱臨溪怪石卽此洙水自上游奔注石窩縈洄而出居民舊於石罅穿水溉田數百畝悉成沃壤

土窟 在炎陵鹿原坡間樹木陰翳中一窟深窅人不敢卽邑人羅士彝 炎陵述古云昔有人覓牛踐入見洞中空廣雪亮無比

金花崖 在縣西三十五里巖深丈許相傳有女僊棲此居民朝拜雜沓一日雷震洞門遂塞歲旱禱之輒應

白鶴山 在縣西三十五里形如飛鶴上有菴宇天造石

鄱縣志

卷之二

地理志 山川 十

室

石牛嶺 在縣西三十五里上有石形如牛踰此卽安仁地

夾石嶺 在縣西三十五里踰此卽安仁鵬塘地

黃楊山 在縣西三十五里 炎陵前兩峰對峙狀若樹蓋列旌拱衛至尊者然一統志兩峰相對如幢蓋

羊角嶺 在縣西四十里路通安邑甫陽起自長源洞白鶴山縈迴曲轉蹊間頗塞

茆花嶺 在縣西南四十里周環八十里腴壤可耕漑可導粵民集耕靡有隙地

新開嶺 在縣西北四十里西接安仁北界茶陵

王舍城 在縣西四十五里相傳唐日蓮尊者傳姓產於

邑之康樂鄉故居王舍城今其族為叢山下傳家山周

圍如城四面徑闢如門水環繞其內中洲為日蓮寺今廢

地有鉢孟山香爐山虎爪石石上爪跡可數會緣橋日蓮井在長

沙冲

九潭山 在縣西六十里 炎陵志下有九龍潭泚水繞

山根而下噴珠飛涎如從石罅中湧出然

雲秋山 在炎陵前山周環八十里高三千九百丈一統

志烟雲黯淡如秋寰宇記常有雲屯其上經日不散路

鄧縣志

卷之二

地理志 山川 十一

史注稱紫金嶺一名金紫峰山際嵌空玲瓏有石室可

容數百人相傳昔人曾避寇於此

人形山 在縣北一里許青臺山下邑之近脉

天河巖 在縣北五里青臺山右

筆架峰 在縣北十五里連青臺山尖峰參差形如筆架

為一邑壯觀

青臺山 在縣北十五里青嶂平布如案

鳴玉泉 在縣署內夜靜有聲如鳴玉今堙塞無攷

鄱泉 在縣東城內宋置縣因名縣為鄱俗名龍王井舊

傳即泚泉誤見邑諭彭之曇泚水辨

龍王井 在東城內或云卽龍泉

桃花澗 在縣東城外卽龍泉桃花澗南流人南溪

金沙泉 在縣東四里桃花澗上水中有沙如金

馮渡水 在縣東三十里源出萬陽山流於熒源達茶陵

江

插鼓潭 在縣東四十里潭水響聲輕重有節宛如鼓鳴

相傳岳忠武討曹成餘黨逐之山下山靈感公忠義鳴

鼓以助兵威舊有岳王廟

龍潭 在縣東北五十里潭上下十餘里兩岬峭壁巉巖

潭深水色如墨四時寒霧霏霏相傳潭有石窟數處龍

鄧縣志 卷之二

地理志 山川 十二

曾潛焉

瀘渡水 在縣東南一百一十里自柳州桂東縣西流過

烟竹堡北復西南流入桂東縣界見省志

清泉 在縣南半里許盛夏其寒如冰

鏡泉 在縣南一里許其泉澄瑩如鏡

南溪 在縣南城外

眼鑿潭 在縣南三十里江所鑿立高數十仞往來桂寧

必由之徑狹潭深過者心栗不敢俯視

桃溪 在縣南五十里

瀘溪 在縣南六十里

羅浮江 在縣南七十里江有魚名羅浮魚大不過指施
罟者卽獲數十尾亦無別種

黃那潭 在縣南八十里山溪匯注北流一百二十里至
陂江

桃源溪 在縣西輿地紀勝源出雲陽五洞北流至桃源
江口二百里合雲秋水過三江口春夏勝五十石舟秋
冬半之

蕃按環邑皆山羊腸鳥道惟縣西灘河一線頗通
小舟而亂石礮礮蹲踞江流行者水陸皆艱較他
邑爲甚焉

鄱縣志

卷之二

地理志

山川

十三

霍公潭 在縣西月嶺下

陂江潭 在縣西湘山左雙江口

墳兜澗 在縣西五里見省志

晏公潭 在縣西六里許相傳有龍潛焉上有晏公廟崇
正間知縣陳良騮會建亭於潭岝額曰巖疆鎖鑰

車田洲 在縣西十里許架車漑田今築陂壩用力較省
大源洲 在縣西十里

龍甫潭 在縣西十五里深不可測

河漢水 在縣西十五里源出萬陽山黃那潭至斜瀨北
流合湫江載省志

斜瀨水 在縣西二十里源出大桂山至河漢合九龍潭
黃那潭兩江北流為斜瀨水

檢田洲 俗作 在縣西二十里風景可愛原任辰州府司訓
邑人段德璋有八景詩

鶴潭 在縣西二十里潭中有石水激波翻如白鶴展翅
塘溪 在縣西二十五里宋隱士譚嗣祖建樓讀書於此
名其地曰麥園園側古樟一本大數十圍節錯根盤色
蒼幹老相傳為嗣祖手植云

揚錢洲 在縣西三十里鹿原坡前

跳魚瀧 在縣西三十里有瀑布飛流每春月魚皆逆水

鄞縣志

卷之二

地理志 山川 十四

騰躍土人不用網罟獲魚盈篝見一統志

龍潭 在縣西三十里 炎陵龍爪石下

蛟潭 在縣西四十里相傳許旌陽逐蛟於此 炎陵志

云潭水深黑去跳魚瀧不遠

老鴨瀧 在縣西四十五里

磨刀瀧 在縣西四十五里與高瀧老鴨瀧上下接流

雲秋水 在縣西五十里源出大桂山由九龍潭至蛟潭

高瀧老鴨瀧磨刀瀧流於泚江明統志雲秋水經雲秋

山下東北流經縣東折而北流合泚

泚水 炎陵志云泚水源出桂東大桂山由鄞常平鄉境

過興寧界復歸於鄱納衆流一百餘里經雲秋山雲秋水入焉又數十里盤旋炎陵前又二十里出雙江口常平鄉水入焉

洙水辨引水經及注云洙水出茶陵上鄉西北過其縣西注云水出江州安城郡廣興縣大平山西北流逕茶陵縣南經曰又西北過攸縣注云攸水入焉經曰又西北過陰山縣南注云縣上有容水自侯曇山下注洙謂之容口洙水又西逕歷口縣有歷水下注洙謂之歷口洙水又西北與洋湖水會水出縣西北樂藪下洋湖湖水下注洙謂之洋

湖口洙水東北有峩山縣東北又有武陽龍尾山並僊者羽化處上有僊及龍馬跡於其處得遺詠端牘抽札詮之其畧曰登武陽觀樂藪峩嶺千蕤洋湖口會飛螭駕白駒臨天水心踟躕千載後不知如經曰又西北入於湘據此則若鄱若茶若攸若安仁合四邑之水皆可以洙水概之顧指溝壑間而曰其源在是豈不褻哉蕃按鄱舊爲茶陵東南鄉宋始析茶置縣經所稱上鄉卽今鄱邑地鄱道元注稱廣興縣大平山者蓋經指茶上游之近者爲源如舊稱黃河出崑崙之謂而鄱注則又探

源星宿窮極其所自出耳然則涿水之名固非鄴
所得專而源出於鄴實據水經茶陵上鄉一語不
得概指爲鑿空妄語明矣

木王井

在縣北城內新民坊見邑舊志義無攷

終